

ԻՐ ԳՐԵՐԻ ՀԱՆՃԱՐԵՂ ՍՏԵՂԾՈՂ

ՄԵՍՐՈՊ ՄԱՇՏՈՅԻ

ԺՆՆԴՅԱՆ 1600 ԱՄՅԱԿՆ Է

Տ Ո Ն Ո Ւ Մ

ԵՐԱԽՏԱՊԱՐՏ ՀԱՅ ԺՈՂՈՎՈՒՐԴԸ



Ստ. Ներսիսյան, Մեսրոպ Մաշտոցի դիմանկարը (1882 թ.):

Գ. ԽՐԳԵՆ ՍԵՍԿԻ

ՄԵՍՐՈՊ ՄԱՇՏՈՅԸ ՈՐՄԵՍ ԻՐ ԴԱՐԱՇՐՋԱՆԻ
ՀԱՆՃԱՐԵՂ ԱՐՏԱՀԱՅՏԻԶ

Մեր թվականության 4-րդ դարը հայ ժողովրդի պատմական ճակատագրի տեսակետից նշանավորվեց որպես տնտեսական, քաղաքական և հոգևոր կյանքի հեղափոխման փոթորկոտ ու տագնապալից շրջան՝ հազվեցված մեծ խիզախումներով ու դառն ողբերգություններով, Արևելքի և Արևմուտքի երկու հզոր տերությունների՝ Պարսկաստանի ու Հռոմեական կայսրության հարձակողական ձեռնարկումները կասեցնող և երկրի ինքնուրույնությունը պահպանող միջոցների որոնման ու փորձերի մի անընդմեջ շղթա:

Տիգրան 2-րդի ստեղծած հզոր տերության վարչական ու տերիտորիալ նվաճումները դարերի ընթացքում պաշտպանվել էին. պարսից թագավորը վերստին ետ էր իյլել Տիգրանի նվաճած «արքայից արքա» տիտղոսը, հայ թագավորները խաղալիք էին դարձել Հռոմեական կայսրության և պարսից արքունիքի ձեռքին, իսկ երկրի ներսում այլևս անկարող՝ միավորելու արդեն ձևավորվող ֆեոդալական կարգերի հետևանքով ինքնիշխանության ձգտող հայ նախարարական տները:

Դարասկզբին՝ հենց 301 թվին Հայաստանը բռնեց հոգևոր հեղափոխման ուղին՝ պաշտոնական կրոն հայտարարելով քրիստոնեությունը, որը ֆեոդալիզմի պահանջն էր և նրա պահպանման հիմնական հոգևոր գործոնը պիտի դառնար հետագա դարերում: Այդ վճռական միջոցառումով Հայաստանը երեսը դարձրեց ղեկի Արևմուտք՝ հուսալով, որ դավանակից քրիստոնյա Հռոմեական կայսրությունը իրեն դաշնակից կլինի Պարսկաստանի նվաճողական ձգտումների դեմ: Սակայն այդ «դաշնակիցը» ուխտագրուժ դիրք բռնեց և դարավերջին չհասած թիկունքից դավաճանեց հայերին, Պարսկաստանի հետ պայմանագիր կնքելով՝ Հայաստանը բաժանեց իր և նրա միջև:

Հայաստանում քրիստոնեությունը պաշտոնական կրոն հայտարարելը, մյուս կողմից՝ առավել զրգուց պարսից արքունիքին, որը կատաղությամբ էր լցված Հայաստանում ղեկավար իշխող Արշակունիների հարստության, ինչպես և կաթողիկոսական աթոռը դրավող պարթևական տոհմի նկատմամբ, որ սերում էր Գրիգոր Լուսավորչից:

Ավարայրի ճակատամարտի անմահ երգիչ Եղիշեն իր ոսկեղենիկ մատյանն սկսում է հենց այդ աղետալի վիճակի նկարագրությամբ. «Երբ Արշակունյաց ցեղը վերացավ, — գրում է նա, — հայոց աշխարհին տիրեց պարսիկ Սասանի ցեղը, որն իր իշխանությունը վարում էր մոզերի օրենքով և բազմաթիվ անգամներ մարտնչում էր նրանց դեմ, ով չէր ընդունում նրանց կրոնը. սկսելով Տիրանի որդի Արշակ թագավորի օրերից՝ կոչվում էր մինչև Վուսթապուհի որդի հայոց Արտաշես թագավորի 6-րդ տարին... (Պարսից Հազկերտ արքային) սատանան դարձրեց իր գործակիցը և կուտակված ամբողջ թույնը դուրս թափեց և նրան լցրեց ինչպես թունավոր նետերով լի կապարձ... Քանի որ նրան շատ սիրելի

էին խոտովությունն ու արյունահեղությունը, դրա համար էլ նա ինքն իր մեջ ալեկոծվում էր, թե ո՞ւմ վրա թափի դառն թույլները կամ ո՞ւր արձակի բազմաթիվ նեւերը:

Այս ասված է Հազկերտ 2-րդի մասին, բայց վերաբերում է նաև նախորդներին, սկսած Շապուհ 2-րդից (310—379 թթ.), որը ինչպես հայտնի է, 367 թվին խաբեությանը իր մոտ հրավիրեց Արշակ 2-րդին և ամենաստոր կերպով Անհուշ բանտը նետելով՝ վերջ դրեց նրա կյանքին:

Հայ թագավորները, որ այս լարված իրադրության մեջ աշխատում էին որոշ հավասարակշռություն պահպանել Պարսկաստանից և Բյուզանդիայից սպառնացող վտանգի դեմ, միաժամանակ սաստել հայ նախարարությունների պառակտողական կենտրոնախույս ձգտումները, ինչպես և սահմանափակել հետդհետև զորացող եկեղեցու իրավունքները, գտնվում էին դժվարին կացության մեջ: Եվ եթե այդ բարդ պայմանների առաջին զոհը Արշակ 2-րդը, ապա նրա որդի Պապ թագավորն էլ դավադրաբար սպանվեց բյուզանդական արքունիքի մեքենայությունների հետևանքով:

Սակայն 4-րդ դարի ողբերգությունների շարանը ավարտվում է մի առավել մեծ ողբերգությամբ, երբ Արևելքի և Արևմտքի տերությունները, արդեն ոչ թե անջատ-անջատ, այլ իրար ձեռք տված՝ Հայաստանը բաժանում են երկու մասի և ենթարկում իրենց տնօրինությանը: Նրանց նպատակն էր այդ ձևով մասնատված վիճակում վերացնել Հայաստանի ինքնուրույնությունը և աստիճանաբար ասիմիլացնել հայ ժողովրդին:

Եվ իսկապես, Արևմտյան Հայաստանում՝ շատ շուտով, իսկ Արևելյան Հայաստանում մի քիչ ավելի ուշ՝ 428 թվին վերացնում են հայկական պետականությունը, երկիրը լցնում հույն քահանաներով և պարսիկ մողերով, որոնք, ոչ առանց մի քանի հեղինակավոր նախարարությունների օժանդակության, պետք է նպաստեին հայերի հունացմանը և պարսկացմանը:

Հայ ժողովրդի ինքնությանը սպառնացող և հետզհետե կուտակվող ու սաստկացող այդ մոլեգին ամպերի ահեղ ամպրոպի ու որոտի միջավայրում, հայ ժողովրդի ծոցից, ինչպես Վահագնը եղեգնի փողից, դուրս եկավ մի նոր վիշապաքաղ ուժ՝ արևային Մեսրոպ Մաշտոցը, որն իր ջերմությամբ և իր լույսով ցրեց շրջապատի խավարն ու սառնությունը, լույս տվեց հայ ժողովրդին, ջերմացրեց նրա հոգին հայրենասիրության ու ազգային գիտակցության անշեջ հրով:

* * *

Փոթորկալից ու օրհասական 4-րդ դարը պետք է գտնել ժամանակի բոլոր կնճոռոտ հարցերի ելքը, պետք է ծնել մի այնպիսի համապարփակ հանճար, որը կարողանար մարմնավորել ժողովրդի, հայրենիքի, պետության ու եկեղեցու բոլոր հոգևոր ուժերը, միավորել նրանց և դնել նպատակապահ անսայթաք հունի մեջ: Եվ նա ծնվեց՝ ժամանակի մեծագույն մարդը, հայ հանճարի անկրկնելի դրսևորումը՝ Տարոնցի Մեսրոպ Մաշտոցը:

Մեսրոպ Մաշտոցը 4-րդ դարի հարապատ ծնունդն էր ու նրա նվիրական բաղձանքների, կենսական պահանջների արտահայտիչը: Մեսրոպի հանճարը դարձավ իր ժամանակի բոլոր առաջադեմ ու հայրենաշեն ուժերի բախտորոշ և հուժկու կիպակետը. ծնված լինելով ժողովրդի ծոցում, գյուղական միջավայրում՝ նախ իրեն գինվորական գործիչ նա մոտիկից շփվեց հայ գինվորականու-

թյան հետ և ծանոթացավ նրա վարքուարքին ու հոգեբանությանը, ասլա անցնելով պետական պաշտոնի հայ արքունիքում՝ տեսավ, թե ինչ լարված ու օրհասական մթնոլորտ է իշխում այնտեղ, ուր թագավորի ու պետության գոյությունը կախված է պարսից արքունիքի քմահաճույքից. այնուհետև իրեն միայնակյաց ու հոգևոր քարոզիչ նա Հայաստանի տարրեր գալատներում առավել խոր ճանաչեց ժողովրդի անմխիթար վիճակը, որը նոր կրոնին անհազորակից, հին հավատալիքներին գերի, բայց նոր կրոնի հարկերի լրացուցիչ բեռն տակ՝ անտարրեր էր դարձել պետական ու եկեղեցական անցուղարձերին:

Այս բոլորը իրար հետ համեմատելով՝ ու կշռադատելով՝ երկարամյա ղեկերումներից ու հոգեկան տվյալանքներից հետո Մեսրոպը հանգեց այն միակ ճիշտ եզրակացության, որ երկրին ու ժողովրդին հարկավոր է ներքին, հոգևոր մի հուժկու գործոն, հայրենասիրական ոգևորության մի նոր ջերմ աղբյուր, հայրենիքի գորական ուժերին ու կենտրոնախույս նախարարներին միավորող մի հոգևոր ազդակ, այն է՝ ազգային ինքնաճանաչման բարձր գիտակցականություն, հայրենաանվեր սխրագործությունների արթուն ոգի, որ կարող էր ստեղծվել միայն մայրենի լեզվով գիր ու գրականություն ունենալու ճանապարհով: Եվ նա իր ամբողջ կյանքը նվիրեց այդ գաղափարի փայլուն իրականացմանը՝ հիմնադրելով հայոց գրերն ու հայ դպրությունը:

Լինելով շորթորդ դարի ծնունդն ու արտահայտություն՝ Մեսրոպ Մաշտոցը իր հերթին դարձավ հայ ժողովրդի 5-րդ դարի մտավոր ու հոգեկան ողջ շարժման՝ ուսումնական-գաղութական կյանքի, թարգմանական ու ինքնուրույն գրականության ստեղծման, հեթանոսության դեմ ծավալված կռիվի, ազգային ինքնության պահպանման համար մղվող ողջ պայքարի, ազգային գիտակցության մեծ վերելքի գլխավոր ոգեշնչողն ու առաջնորդը:

Հայ գրերի գյուտը և հայկական դպրության սկզբնավորումը, որ տեղի ունեցավ 5-րդ դարի արշալույսին, մի սովորական, թեկուզ և համազգային նշանակություն ունեցող երևույթ չէր և ոչ նույնիսկ սոսկ հոգևոր ու մշակութային հեղափոխություն: Դա հայ ժողովրդի հետագա ողջ կյանքի, նրա պատմական ճակատագրի համար վճռական նշանակություն ունեցող բախտորոշ իրադարձություն էր, որի արժաններն ու հիմքերը գալիս էին մոտ 300 տարվա նախընթաց պատմությունից, իսկ ճյուղերն ու պտուղը հասնում են մինչև մեր օրերը:

Ժողովուրդների կյանքում եղել են այնպիսի խոշոր իրադարձություններ, որոնք հիշվում և զնահատվում են որպես միայն պատմական արժեք ունեցող երևույթ՝ ինքնավարտ, միանգամայն, էպիդոդիկ, առանց հետագա զարգացման ու ծավալման, առանց հարատևող հետևանքների: Այդպիսին են եղել, ասենք, արարական արշավանքները Հայաստան և նրանց վերացումը, թաթարական ներխուժումը Ռուսիա և դրա հաղթահարումը, Ալեքսանդր Մակեդոնացու տիեզերական էքսպանսիան և այլն: Սակայն եղել են և այնպիսի իրադարձություններ, որոնք սաղմնավորվել ու հասունացել են դարերի ընթացքում, վճռական ու բախտորոշ նշանակություն ունեցել տվյալ ժողովրդի հետագա ողջ ճակատագրի համար և նշել նրա պատմության ընթացքի հետագա դարավոր ուղեծիրը: Դրանք ներքին ուժերի անընդմեջ փոխակերպումներով զարգացող հարաձիգ պրոցես են, որ կարելի է համեմատել բնագիտությունից ծանոթ շղթայական ռեակցիայի հետ, որը մեկ սկսվելով՝ առաջընթաց շարժմամբ հասնում է մինչև ավարտը:

Հայ ժողովրդի համար այդպիսի շղթայական ռեակցիա է եղել Արևելքի և Արևմուտքի երկու հզոր տերությունների միջև, նրանց հարատև ազդեցության

պայմաններում ազգային ինքնուրույնությունը պահպանելու ներքին անհաղթահարելի մղումը, որ սկսվել էր Տիգրան Բ-ի ազգահավաք, կենտրոնաձիգ զործունեությամբ, շարունակվել 4-րդ դարի սկզբի աշակերտության կողմից՝ քրիստոնեության որդեգրմամբ, ամրապնդվել ու լուրջորեն 5-րդ դարի սկզբին հայ գրերի ու հայկական գրությունների սկզբնավորմամբ, սրբագործվել նույն դարի երկրորդ կեսի Վարդանանց և Վահանանց հերոսական ճակատամարտերով, որից հետո ոչ ինքնուրույն պետականության բացակայությունը, ոչ կրոնական եկեղեցական տարրալուծություններն ու երկպառակությունները, ոչ արաբական, մոնղոլական ու թյուրք-թաթարական արշավանքները, ոչ հայերի հայրենագրվածն ու տարագնացությունը աշխարհի տարբեր կողմերը աշխարհայտի կարողանալին վերադառնալ հայ ժողովրդի ինքնուրույնության ոգին, նրա ազգային գիտակցությունն ու հոգևոր մշակույթը, սրբահատի նա արդեն ձևավորվել անխորտակելի մի ամբողջ, իր մայրենի գիրն ու գրականությունը՝ տողորմած հայրենասիրության անմար հրով:

Մեսրոպի ստեղծած հայ գիրը և նրա հիմնադրած հայրենախոս գրականությունը ավելի քան 1500 տարի լուսատու փարոս, կենտրոնաձիգ ուժ են եղել աշխարհովը մեկ սփռված հայության հաստատման համար, նրանց միշտ կողմնորոշել են գեպի Մայր-հայրենիքը, նրանց հայացքը միշտ դամել Արարատ գավառին, որի ծոցում՝ Օշական գյուղում իրեն մի անմահ խորհրդանշական դրոշմ է մեր ազգային հանճարի սրբազան աճյունը:

* * *

Մեսրոպ Մաշտոցի կյանքն ու գործունեությունը մեզ հայտնի են նրա անմիջական աշակերտ Կորյունի գրած կենսագրությունից, որ կոչվում է «Երանելի մարգու՝ մեր թարգմանիչ սուրբ՝ Մեսրոպի վարքի ու մահվան պատմություն» կամ կարճ՝ «Վարք Մաշտոցի», և Մեսրոպի աշակերտ Մովսես Խորենացու, ինչպես և Նազար Փարպեցու լրացումներից:

Կորյունի այդ երկը, որ Մեսրոպյան տառերով գրված առաջին ինքնուրույն ստեղծագործություններից մեկն է, Մեսրոպ Մաշտոցի կյանքն ու գործունեությունը նկարագրող կենսագրական խանդավառ ներբողյան է՝ աշակերտի ջերմեռանդ գեղումներով լի՝ իր պաշտելի ուսուցչի հիշատակին: Մեսրոպի փոքրիկ տունը կյանքի ու բազմաբնույթ գործունեության վերաբերյալ տվյալները գլխավորաբար մեզ հայտնի են հենց Կորյունի այդ գոգտրիկ գրքից, որի մեջ հեղինակը, շատ դուստպ ու համեստ, տալիս է մի երկու տեղեկություններ՝ նաև իր մասին:

Կորյունը եղել է Մեսրոպի մերձավոր աշակերտը՝ Սահակ կաթողիկոսի տեղապահ Հովսեփի, Եղնիկ Կողբացու, Ղևոնդ Երեցի և այլ արժանավոր գործիչների կրտսեր ընկերակիցը՝ Վաղարշապատում Մեսրոպի բացած առաջին դպրոցի սաներից մեկը, սրտնք հետո ուսուցչության են ուղարկվել Հայաստանի գանազան գավառները:

Ճիշտ է, Կորյունի այդ գիրքը՝ «Վարք Մաշտոցի», շատ հետո է աշտարակվում համատեղ կենսագրություն լինելուց և իր կառուցվածքով ու շարադրման ոճով հիշեցնում է եկեղեցու համար նահատակված սրբերի վկայաբանություններն ու վարքագրությունները, բայց նույնիսկ այդ էլ մեծ սխրագործություն ու հանգրվանություն էր այն ժամանակվա համար, և ահա թե ինչու: Նորաստեղծ հայ գիրն ու գրությունը, դրա շնորհիվ իրականացված հայերեն ժամերգությունը եկե-

ղեկիններում, ժողովրդի մեջ բարձրացած ազգային գիտակցության ու հայրենասիրության խանդավառությունը, երկրի բոլոր գավառներում բացված հայալիզու գաղթոցներն ու ուսումնարանները, հայրենասեր ու հայրենախոս բարձր մտավորականության անընդհատ աճումը չէին կարող հանդուրժելի համարվել ոչ Պարսկաստանի համար, ոչ Բյուզանդիայի, և ոչ էլ ասորի և հույն հոգևորականության, որը աստիճանաբար զրկվում էր իր մենաշնորհ վիճակից, կորցնում իր ազդեցությունը, որովհետև ասպարեզ էր եկել կյանքի բոլոր ոլորտները թափանցող հայազիր լեզուն։ Այդ բոլորի պատճառը համարում էին վերջին Արշակունի թագավոր Վուսթապուհին, վերջին Պարթև կաթողիկոս Սահակին և մանավանդ Տարոնցի շինական Մեսրոպին. և ահա, այդ Մեսրոպի մահից հազիվ տասը տարի անց, երբ այլևս ոչ Վուսթապուհ կար և ոչ Սահակ, երբ պարսից արքունիքը սկսել էր իրականացնել հայերի ձուլման իր ծրագրերը, Վարդանանց պատերազմի փոթորիկուն նախօրյակին Մեսրոպ Մաշտոցի կյանքն ու գործունեությունը մատենագրելը պետք է զբոսեր թե՛ Բյուզանդիային ու Պարսկաստանին, թե՛ երկրի ներսի հետադիմական ուժերին ու օտարազգի հոգևորականներին։

Կար և մի ուրիշ գծավորություն, որ շատ լավ գիտակցում էր ինքը Կորյունը. այդ ժամանակ ընդունված չէր և աննախօրինակ ղեկավարելու է լինեք քաղաքացիական գործչի, կուլտուրական-կրթական բնագավառի նորարարի կենսագրության գրելը, իսկ Մեսրոպ Մաշտոցը նախ և առաջ և գլխավորապես այդպիսի գործիչ էր. նրա կրոնական-քարոզչական գործունեության մեջ, որքան էլ Կորյունն աշխատում է երկար ու բարակ պատմել զրա մասին, որպեսզի հակառակորդներին չզրգուկու նպատակով ստվերի տակ թողնի Մեսրոպի քաղաքացիական, կուլտուր-տրեղերական գործունեությունը։ Մեսրոպի կրոնական-քարոզչական գործունեության մեջ, կրկնում եմ, չկա մարտիրոսական որևէ քայլ կամ սխրագործություն, որևէ հալածանք, խոշտանցում, նահատակություն և այլն, որն իրավունք տար գրելու նրա վարքը կամ վկայարանությունը բոս քրիստոնեական եկեղեցում ընդունված կարգի։

Երա համար էլ, և այդ պատասխանատվության գիտակցությամբ, իր մատչանի հենց սկզբում Կորյունը գործը ներկայացնում է իրրև կաթողիկոսական տեղապահ Հովսեփի առաջադրություն և Մեսրոպի այլ աշակերտների՝ իր ընկերակիցների թելադրանք։

«Եւ առաւել քան զկար մեր, զրաւեալ անաչառ հրամանին հասելոյ, փութանակի և առանց յապագելոյ զառաջի եղեալն մատենագրել»¹։

(Եվ այդ մեր ուժերից վեր էր. բռնադատվելով եկած հրամանից՝ շտապով և առանց ուշացնելու գրեցի այդ առաջադրանքը)։

Սակայն պաշտոնական այդ հրամանն էլ քիչ համարելով իր գործն արդարացնելու համար՝ Կորյունն այնուհետև առաջ է քաշում այն հարցը, թե կարելի է աւելցոք գրել «կատարյալ մարդկանց» վարքը և կստվածաշնչից բերվող բազմաթիվ օրինակներով համոզում իր ընթերցողներին, այո՛, կարելի է։

Կորյունի այս «կատարյալ մարդիկ» արտահայտությունը, որքան ինձ հայտնի է, հայ բանասիրության մեջ առանձին ուշադրություն չեն դարձրել, և պրոֆ. Արևիյանն էլ նույնությամբ պահպանում է Կորյունի՝ իր աշխարհարար թարգմանության մեջ։ Ի՞նչ է հասկանում Կորյունը «կատարյալ մարդիկ» ասելով, ին-

¹ «Վարք Մաշտոցի», էջը 22—24։

չո՞ւ Մեսրոպին դասում է «կատարյալ մարդկանց» շարքը և չի ասում, թե կարելի է արդյոք գրել «սուրբ մարդկանց» վարքի մասին:

Ծիշտ է, իր գրքի մեջ նա մի քանի անգամ Մեսրոպի համար գործածում է «սուրբ» բառը, եթե իհարկե դա հետագա հավելում չէ, բայց այս հատվածի մեջ նա նկատի ունի ոչ թե սրբությունը, կրոնավորական-քարոզչական ասպարեզը, այլ մեծագործություն, առաքինություն, հերոսություն, այսինքն սարդևալին կատարելություն: Այդ հաստատվում է հենց նրանով, որ Աստվածաշնչից իբրև «կատարյալ մարդկանց» օրինակ բերված անձերից համարյա ոչ մեկը սուրբ չէ և ոչ մեկը քրիստոնեական եկեղեցու գործիչ և մանավանդ նահատակ չէ. դրանք են՝ Ադամի որդի Աբելը, Ծնովք և Նոյ նախապետները, Բարելոնի հիմնադիր հսկա Ներրովդ թագավորը, առասպելական հերոս Սամսոնը, հրեաների թագավոր Դավիթը և այլն՝ բոլորն էլ աշխարհական մարդիկ, որոնք աչքի են ընկել իրենց այս կամ այն առաքինությամբ, աշխարհիկ մեծագործությամբ կամ հերոսությամբ: Պատահական չէ, որ Կորյունը այստեղ չի հիշատակում Հոմեր, Բյուզանդիայի կամ Ասորիքի վարքագրական գրականության և ոչ մի հերոսի, նահատակի կամ սրբի անուն: Այդ նշանակում է, որ Կորյունը իրավացիորեն իր ուսուցչի մեջ տեսնում ու գնահատում էր «կատարյալ մարդուն», ժամանակի մեծագույն գործչին, և ոչ թե քարոզչի ու հոգևորականի:

Սակայն Կորյունի սրտի և մտքի ճշմարտացի թելադրանքը սքողված է ժամանակի իշխող աշխարհայացքի կրոնական շղարշով:

Կորյունի այդ մատյանը իր անդնահատելի ու վավերական տվյալներով, ժամանակակցի ու ականատեսի կենդանի հուշերով, փարթամ ու խաղաղիկ լեզվով, վառ պատկերներով ու համեմատություններով մեր հնագույն մատենադրության ոսկեղեն գանձերից մեկն է՝ մեսրոպատառ հայ գրականության անդրանիկ ինքնուրույն ստեղծագործությունը, որի հեղինակի անունը հավերժ անրաժանելի կմնա Մեսրոպ Մաշտոցի անունից:

Հայ գիրը դարձավ հայ ժողովրդի պատմական բախտի ուղեկիցը: Այդ գրերով հայ ժողովուրդը ստեղծեց իր մեծ կուլտուրան՝ ստեղծեց միջնադարի գունագեղ պոեզիան, Սալաթ-Նովայի երգերը, Աբովյանի «Վերքը», 19-րդ դարի հայ հարուստ գրականությունը: Երկար դարերի ընթացքում մեսրոպյան գիրը բռնեց իր փայլուն քննությունը: Մեսրոպյան գրերի համաժողովրդական նշանակությունը առանձնապես ամրոգչական արտահայտվեց մեր ժողովրդի Հոկտեմբերյան նվաճումներից հետո: Հայ ժողովուրդը դառնալով իր երկրի տերը, իր բախտի տնօրինությունը վերցնելով իր ձեռքը, Մեսրոպատառ գիրը դարձրեց իր նոր հասարակության, իր նոր սոցիալիստական պետականության զարգացման ու ամրապնդման, համաշխարհային մշակույթի բոլոր բնագավառներում իր պատշաճ բաժինը ներդնելու հզոր միջոց: Մեսրոպատառ գրերով ստեղծվեց հայ ժողովրդի նոր, սոցիալիստական կուլտուրան, սոցիալիստական ռեալիզմի գրականությունը: Թարգմանվեցին աշխարհի տարբեր լեզուներով ստեղծված գրականության լավագույն նմուշները: Այդ գիրը դարձավ մատչելի ողջ հայ ժողովրդի համար, մեկընդմիշտ վերացավ անգրագիտությունը: Հայ ժողովուրդն այսօր Մեսրոպագիր հայերենով զարգացնում է իր մշակույթը և գնում դեպի կոմունիզմի իրականացումը: Այսօր, 1600 տարի անց, հայ ժողովուրդը տոնում է իր մեծ պավակներից մեկի, անմահ Մաշտոցի ծննդյան հոբելյանը՝ և նրան ըստ արժանվույն մատուցում իր հարգանքը, անսահման սերն ու երախտագիտությունը: